

銅鼓書常遺稟

銅鼓書堂遺藁卷二十五

宛平 查禮 仲秋

東風第一枝

立春後二日賦味古廬梅花

己酉

戶外春聲階前草色暖風應律還淺綺窗香裊薰鑪短几
墨勻老硯梅花數本看女字橫斜行榦想庾嶺萬樹交柯
此際碎瓊璀璨何處著竹籬舊院何處覓雪橋斷岸澹
雲微月關心亂水疊山忻見悠悠清境又歲月天涯新換
執玉樽入夢孤吟疎影倚燈堪玩

賀新郎

爲心穀伯兄題花影逃禪圖

簾外深紅鞦想人閒浮生怎似月來雲破幾點淩波空色

金京先生別集卷之二
相明日輕陰換過再莫記前宵婀娜燕繞鶯圍春信密倩
微風更坼含苞朵稠似幄燦如火 光音天畔安身可掩
團蕉深深證取後因前果陽燄光中莊嚴住也是幽山宴
坐更底事僧衣自裹誦徧當前花影偈問誰爲故我誰今
我花解語笑微嗟

少年游

象三秀才索畫梅因題

庚戌

梅梢已覺日遲遲香氣暗中移浮動闌干斜侵簾幙花信
惹風吹 雪泉乍瀉冰初泮拾翠欲來時滿目春光滿懷
春怨寫入向南枝

琴調相思引

水西莊納涼

葵扇蕉衫坐小亭空池水活亂蛙鳴夕陽西下涼入柳絲
汀月出不知荷露重雲生只覺竹風輕流螢幾點明滅
上桃笙

行香子

落燈夜心穀伯兄招同余犀若孝廉朱崙仲王孝
先二上舍丁苞七周月東二秀才飲澹宜書屋聽

福郎度曲因賦

辛亥

殘雪含煙暖意衝簾乍收燈忙過華年何來紅豆恰遇當
筵聽一聲平一聲背一聲圓蘭燭花偏笑語喧闐看傾
杯酒似流泉晚風簌簌吹入鵲弦正月朦朧星闌澹斗闌
干

河濱神

早秋過海潮菴

蕭寺入新秋。禪房清磬悠悠。鶴來松頂踏雲流。城頭殘照
初收。風過鈴簷聲不住。吹落曇花無數。門外水光如故。
潮音知在何處。

南歌子

自題畫梅小幅

壬子

洗硯閒惟我。焚香喚阿誰。小庭疎影正參差。日日巡檐索
笑有情癡。風遞禽聲細。晴含蝶夢遲。羅浮一樹畫成時。
試看者邊梅萼那邊詞。

醜奴兒令

家如岡姪索畫梅

舊時聞說西溪好。一片梅花香沁人家。斷港橫橋冷暮霞。

興來拂紙渲春色墨漬寒葩無意求嘉亂點苔痕入徑斜

齊天樂

題薄靜友休問天圖軸子爲家貢木先生賦

癸丑

胸頭磊塊消難盡人生幾番秋老寶劒孤吟明珠暗擲別有閒愁多少浮雲未掃問列缺光閒更誰微笑咄咄書空爭如無語向空好桑麻前日杜曲念承明獻賦徒競奇藻匹馬南山短衣李廣總是中年懷抱臨風漫嘯料千古同心儘堪相告漠漠青天亂塵吹去鳥

菩薩蠻

題陳玉几上舍雨竹軸子

湘雲碎翦湘江翠淋漓猶帶湘妃淚一片綠陰斜迎風欲

作花披圖幽意遠青篠凝煙晚誰寫此君情高狂玉几生

念奴嬌

詠響帝次唐赤子編修韻

千絲萬縷問誰人劃得秋聲如此伴我明窗隨意舞麈尾
堪教同事靜灑琴牀頻揮書櫃舉目容高視青蠅狂擾任
伊花外搖翅猶記繞筆成羣穿樊作隊石鼎吟聲細曲
宇深房驅不去愁殺蜂媒蜨使謝爾霜筠涼于秋雨一掃
營營累重簾齊下醉來清夢閒美

行香子

自題畫梅 乙卯

神味孤清品格峻崢嶸占空山好倚危亭試翻墨瀋強寫瓊

英看一枝枯一枝折一枝橫
行榦休停句瓣須輕點蒼
苔疎落無聲羅浮夢杳鄧尉峰
青羨水痕虛雪痕白月痕
明

滿江紅

過王相國怡園舊址

秋滿天涯西風緊相公遺屋想當日築臺開沼砌紅堆綠
四國人才廊下集同年詩酒庭前逐歎盛衰自古本無常
雲過目山旣廢鄰童牧書盡散鄉翁讀恨飄零往事後來
誰續斷礎頽垣悲舊蹟疎林荒草愁空谷望夕陽渺渺
軟塵中傷蕭肅

祝英臺近

春日水西莊雨中懷杜禹門大牧

丙辰

野雲低村雨細纖草映階碧青眼垂楊容易淚痕濕故人
遠在天涯閒過春晝全不管流鶯聲急憶當日隔溪斜
對柴門時時扣蘭楫釀酒花陰歌詠出金石而今淺岸苔
平小樓煙靜但一望逃離如織

醉太平

惴哲長縣丞索畫梅

南枝北枝山崖水湄花時處處相宜笑春風暗吹
宋元舊規心摹手追疎疎幾筆離披寫香痕似誰

摸魚兒

隲括桃花源記

武陵人捕魚爲業輕舟潛入溪口桃花夾岸溪流碧幾處
落紅吹縐延佇久笑水盡源窮別具空靈岫鳴雞吠狗看

婉婉垂髫怡怡黃髮猶是避秦耦
桑陰裏無限良田廣畝相逢還共攜手咸來問訊塵閒事更試山中春酒歸思驟歎向路難尋誤卻重過候林泉憶否甚有客南陽馳心天外目極正搔首

唐多令

過羊流重謁晉羊太傅祠丁巳

古道夕陽明荒祠柳乍青憶月前曾拜空庭敬翦溪毛和酒薦未幾日又重經峴首舊畱名殘碑墮淚成聽謳歌漢水襄城不似此閒三架屋人寂寂鳥嚶嚶

傷春怨

泰安道上

細雨飛天際一路春山迢遞古木帶殘霞日觀峯頭開霽

看紅桃枝綴綠柳侵征袂試問進香人繳幾許愚民稅
虞美人

蒙陰山行

風吹新柳沿溪裊山壓孤村小酒帘飄處喚行人且駐銜
杯買醉幾分春斜陽影裏吟聲細翠嶂凝遙睇逡巡匹
馬入殘霞不識今宵茅店宿誰家

夜行船

舟發德州何裕九以羅酒見貽賦詩

且喜一帆風送聽岸岸鳥聲吟啁安排茶竈檢書牀羨今
夜約鷗同夢羅酒擔來三兩甕殷勤感故人情重放棹
中流還縱飲恨把杯不與君共

八聲甘州

滄州舟中與貢木先生話舊

漸青青弱柳繞長堤村落夕陽紅聽伊啞柔櫓高低漁唱
嘹唳哀鴻晚過滄州城外煙景正溟濛卻喜故人至同趁
春風一甕麻姑陳釀向吟邊細酌共醉烏篷話十年往
事如夢去忿忿有幾番天涯聚首有幾番彈淚別西東孤
燈下茶鐺書櫃月色朦朧

小重山

詠新月次汪西顥徵君韻

夕照猶明池上樓玉蟾初出海霽霞收相看長是曲如鉤
空庭外誰唱大刀頭紈扇小螢流桂花香不斷五分秋
一更催去起離愁銀河淨惟見數星畱

十六字令

荅萬循初孝廉索紙

賤愧少金花寫樂篇堆書案只有貢川簾

解語花

消寒詞爲杭大宗編修作

嚴風似水散雪如花朔氣侵書屋桂帷蘭燭寒光少廿四
碧闌深曲眉蛾暈綠新載取明珠十斛夜漏沈杳杳銅壺
猶恨更聲促卻憶西泠此日正江梅欲綻獨倚修竹那
知燕谷春尤早不羨千林瓊玉鮫簾麗粼又硯眼冰凝鸛
鵲展鄴籤錦字橫斜一寸書初熟

柳梢青

二月十六日水西莊卽事

戊午

池館苔添綺羅香引笑語聲輕昨夜花朝今宵寒食明日

清明 王孫芳草多情更春雨春風乍晴陌上飭簫波閒
游舫柳外啼鶯

相見歡

水西莊詠柳絮

空園絕少塵埃柳花開一任東風吹上數帆臺
來復去散還聚滿山飛飛作千團晴雪壓蒼苔

謝池春

送青軒

羅幔煙凝蹻取翠嵐環牖曉光妍眉痕自秀停雲朵朵似
春山濃皺向青霄借來還有階紋草淺補出雙行垂柳
澹窗紗連朝染透溟濛過雨聽檐聲微潤嫩蒼苔一般描
就

梅花引

月明撼簾臺

疎鐘晚明河淺纖雲一抹秋光遠月痕涼月痕涼清影滿
庭飛來瑤闕旁誰栽湘浦連枝竹驚回林外雙棲鵲夜
將闌夜將闌重度落梅天涯人夢殘

芭蕉雨

玉笠亭

宛向深巖鑿屋倚空開朗處如冰玉薄暮坐來涼足寧羨
豆架微吟桐陰罷浴短屏休障六曲隨意縱遙矚添數
點小山消炎溽莫漫誚帽檐淺須信細雨難吹輕風不速
踏莎行

讀畫廊

屈曲虛廊周遭窄徑鑪香靜裊游絲趁淺深乍喜草畱痕
惺忪更見花窺影彩幃齊張紅藤交映玉丫叉小參差
竝曹衣吳帶慢相誇黃癡倪懶知誰勝

醉春風

花香石潤之堂

紫燕將雛去鳴鶯求友度閒時攜屐探羣芳數數紅藥
猶苞刺縠剛坼海棠能語纔落林閒絮還濕庭前霧惱
人天氣懶尋春住住住排取琴牀漫操茶臼自修簫譜
定風波

若槎

矮檻低檣兩面平池波環砌縠紋生便挾鷗鳬盟亦好誰
道澹煙疎雨一篙橫見說江南行處樂如閣畫船搖過

荻蘆汀爭比吾家常不繫風起依然修竹響虛局

唐多令

午晴樓

簾影卷湘筠霞光簇錦茵倚危闌衣絕纖塵啁啾禽巢
又去也解得絮芳辰 市屋接魚鱗長河莫問津渺晴空
一望無垠可柰數株蓬島樹遮斷了海邊村

冉冉雲

小丹梯

幾疊危桄碎紋摺宛征鴻被風吹急還更藉古樹龍蔥圍
碧算映出層層若織 最喜連宵雪初積對寒光澹煙籠
暮何啻他羣玉山中春寂十二珠樓斜立

蝶戀花

萱蘇徑

石子零星鋪似掌綠草叢叢也
傍繁英長醺醺幽香空外
澆嫩黃蝴蝶飛來兩
消暇琴樽誰過訪人世憂勞不到
閒階上
蛎笛螢燈聊共賞悠然一徑成孤往

玉漏遲

守歲

數聲迎歲鼓椒花柏酒深深盈注
拜舞高堂還逐少時儔
侶隨意藏鉤賭勝便抱鏡街頭聽語
香幾縷疎梅乍坼吹
來何處
更喜霽雪凝階對一片清光暗催
吟句商陸微
紅齊向地鑪圍聚笑指堆盤飮果
宛都是江南風度宵漸
午門外爆竿如雨

春聲碎

金華書室遺集卷二十三
元夕約張少儀徵君踏燈不果來 己未

簫鼓鬪春歌月滿漂榆城裏銅魚罷鎖銀壺催漏正試燈
風起天街窄想游女競喧釵影亂衣香膩相思夢迢遞
似隔雲山萬里何能捉手共踏徧如酥暗塵地良夜駛空
令寂坐吟窗獨冷嗅梅花藥

鬲溪梅令

葛掇書上舍書法極肖汪退谷先生余愛之頻求
其書掇書欲余畫梅以易一笑從其命

一枝不抵一行書強清逋聊把江南春信換官奴點苔三
兩株興來拈筆脫還疎仿倪迂爲愛香寒光冷夢回初
墨痕輕若無

沙塞子

河西務遇郝舍甫郎中

曉日潛隨牛鐸風淡蕩柳舒徐又見一灣春水澆沙墟
冉冉輕塵飛起相遇處共停車還問參軍蠻語近何如

鷓鴣天

送高五雲孝廉下第歸新城

碧水青山兩寂寥孝廉船返夢難招樽前漫惜頻分手誰
向陽春和楚簫君去也黯魂消子規啼破夜迢迢天涯
望斷西湖柳愁絕東風第幾橋

喜遷鶯

春暮同陳竹吟上舍汪西顥徵君萬循初孝廉胡
文錫秀才過水西莊小飲分賦得絮字

亭日午檻風妍鶯語軟如綿游絲一縷澆晴煙花愛四禪

天枕蒼苔吟飛絮醉裏不知春去迎門楊柳綠依依沽口燕魚肥

水調歌頭

重九前三日遲循初不至

海國晝雲墜四野渺蒼茫滿坡秋色連朝風雨做重陽寂寂閒門籬落又近登高時節蟹紫菊花黃搔首動離思撫景惜流光吟蛩訴南雁度好持觴故人咫尺何事畱滯在鄉待喚輕舟似箭一夜潮回沽口相與賦寒香桐葉散疎影輾轉立斜廊

浪淘沙

贈劉紫仙上舍移居

浙水素心人小住煙津近移東郭更相親十束香茅新結

構淺院無塵 華外老閒身擇里求仁愧余非是孟家鄰
醉管吟甌從此密座上多賓

一翦梅

和陳江臯士舍見懷作

送罷行人作旅人

重陽後送西顙南歸余亦有榆堡百草溝之行

目斷寒雲身逐

征塵吟鞍連日沒晨昏風色無分雨色無分矮屋疎籬
好暫親纔過紅門又到黃村勞君傳語意殷勤別也消魂
住也消魂

霜天曉角

初寒江臯循初文錫飲香雨席集字

淺深雲色小屋風吹急幾度對書閒坐長嘯罷起呼客
硯北情自得殘秋天氣寂飲到曉鐘鳴後吟燭短夢難覓

渡江雲

秋杪得少儀濟寧書

寒雲垂海國雁聲嘹唳秋夜野人家滿庭風色亂忽動離
懷有客在天涯難堪久別乍朝來鵲噪簷牙得幾行任城
錦字情話自清嘉休嗟萍根漂泊節序侵尋要相逢難
返猶記得長堤楊柳一港蒹葭水西送遠新涼月到而今
惟剩黃花聊作遣持牋默默數歸鴉

青玉案

詠宣德押經鑪

香龕裊裊輕煙散石磬度魚山梵舊氣幽光凝髮幔口平
肩鎖足低環反堪鎮三乘亂前朝十轉丹鉛鍊押經鑪
鍊見呂棠宣德彝器譜憶幾處頒僧院今日飄零畱几案離騷一帙

南華數卷少異祈年觀

霜葉飛

送王雨楓大令知南宮

夕陽紅透寒郊路深深林外如染故人筇杖喜初來綠酒
匏樽滿擘蜀紙分曹寫徧吟聲遙逐尖風健歎易得睽離
匹馬去中山舊國古城天畔 回憶二月西莊籌花鬥草
幾番佳約難踐御街相對已飛霜柳老龍池淺羨此會青
衫乍換雙鳬不隔千鄉遠望太行層巒翠咫尺琴堂夢魂
能見

散天花

試雪夜懷西顥在西湖同江臯循初文錫分賦

人靜堂虛黯淡天空窗燈影亂怯宵眠紛紛瑤玉舞檐前

高低飄不定響蕭然重幄香寒籠溼煙朋簪嗟遠別隔
山泉相思共與寄梅牋漫敲詞硯冷竹屏邊

風入松

謝諸葛白巖上舍惠吳去塵浴硯齋墨

豹囊開出古藏煙細篆墨香篇

墨背有去塵弟明宸賦

當

時初改桐脂法百兩煤五石油煎草茜還須四剖熟膠懸

以經年

帝京景物略載古墨多用松煙去塵始易以桐并

油加以五石草茜染四剖膠熟後

謝君遠寄自遙天一

笏勝璣璿回思浴硯齋中事案新圖品目多編

去塵在天

古新樣品目如不可磨未曾有

不數余家小種休誇伊氏

前賢

明初余族文通公有仿古墨製碧天龍氣一種去塵

俱減於去塵墨亦

見帝京景物略

念奴嬌

冬日同江臯循初文錫游南溪分賦

疎風朝緊嘯同儔來問溪南林壑蟹舍漁菴遮不盡映出
紅橋高閣剝啄聲喧山童夢醒悴葉當門落東縈西繞篆
煙深鎖簾箔還向略約微行闌干頻倚鏡水清光薄指
點虛無通笑語驚起林閒孤鶴猶憶春前隔牆梵唄吹度
遙坡郭舊游難記只餘霜柳如昨

點絳脣

雪舸詞爲紫仙賦

一櫂銀沙朔風不斷蕭疎館故鄉天遠坐對鷗鳬晚萍
梗生涯結屋高三板重檐短冷雲吹滿綠酒紅螺淺

滿江紅

哭樂兼思進士

門徑蕭蕭剛占到田盤山缺四十載驚鷗同隊清盟長結
問道得參愚谷語尋幽曾踏春城月柰雙魚此後竟無期
音塵絕孤鶴唳悲風冽哀猿叫寒泉咽正煙迷斷草雲
霾荒雪斗酒空磨徐穉鏡劒臺誰挂延陵鐵想遺蹤只有
一囊詩生香熱

月華清

清機小庵落成

短木橫裁香茅齊束淺屋平廊新構滿院冰苔有竹百竿
遮牖茶煙散到處蕭疎髣几淨絕無塵垢清晝聽修修聲
亂空庭如奏最好境幽夢冷對雪重霜嚴風尖雲逗隨
意淹留淡泊生涯杯酒聊細詠壁上銀牋閒作伴檻邊翠

裊寒透又更闌籟悄月華依舊

驀山溪

題江臯沽上醉裏謠

含宮嚼徵醉裏閒情好七十二沽雲知翦割雲華多少墨
花硯雨長伴綠牋寒史梅溪姜石帚堪與君同調竹窗
煙鎖海國酸風早清興正淋漓想幾夜金壺傾倒漂榆城
畔從此按新聲移翠管換紅絃唱徹霜天曉

南浦

臘八日載酒招劉紫仙余荆帆朱崙仲余犀若陳
江臯施濟清萬循初胡文錫泛凌牀至海光寺赴
墨田釋子鍛磨齋

寒色侵晴空繞南城一片琉璃清影殘雪未全消零星處

如踏梅花山徑僧樓望遠四窗倒射尖風勁遙指凌牀經
過地吹徧白雲千頃齊澆佛頂醍醐道伊蒲香饌迴殊
人境蔬笋足清嘗鳴鐘度早又斜陽催暝珠光境冷舊時
攜酒而今更幾陣春雷紛響竹頻向凍魚呼醒

銅鼓書堂遺彙卷二十五終

男淳孫樞校刊

銅鼓書堂遺藁卷二十六

宛平 查禮 恂叔

一萼紅

人日同江臯循初飲午晴樓分賦是日立春

庚申

曉雲浮正熏天時節偕客共登樓雪積城根煙迴樹杪晴

色遠豁雙眸日停午鳥啼聲碎翠鑪邊同作敲春儔七菜

羹成

人日以七種菜爲羹見荆楚歲時記

五辛盤就

據言曰安定郡王辛盤細語

傾甌

回憶吳興趙氏有今宵清詠情思悠悠

元趙松雪有入日立

春宮柳風微御溝冰泮

二語卽松雪句

應追前度名流聽街頭藜

藜羯鼓又幾處翦勝貼羅幃更喜傳柑期近小築堪畱

鬲溪梅令

諸葛白巖上舍寄枯筆山水一幅索余畫梅白巖

翰墨極高愧余拙筆不堪爲報寫畢題之

隔溪一樹出籬梅暗香回料峭春風吹冷牛身苔翠禽時
往來亂枝高下羨無埃綻冰胎博得山農繁筆挂金臺
白雲天際開

蘭陵王

正月二十二日集水西莊懷西顥錢塘同江臯循
初分賦得綠字一

冷煙綠嫩柳鶯黃未足廻關外晴雪漸消猶抱牆腰半彎
玉疎梅倚修竹空谷孤香自馥春風動偷度豔紅杏乳離
離又成簇相邀散芳躅共聚墨題襟頻醉醺醺收燈已
過新年俗憶素侶歸去涉寒將暖落荒草委淺院曲歎時
序推轂茅屋意幽獨想此際金湖波皺文縠遙山競展

青屏幅間畫舫移處幾回還
矚水西佳會甚日到更繼續
東風齊著力

花朝紫仙荆帆犀若江臯循初文錫過花香石潤
之堂小飲分賦得鸚字

晴日凝闌和風迴砌草盡抽泥春過已半豔豔正花期嫩
柳鶯黃弄色尋幽處酒盞初攜蒼落畔濡毫洗硯分坐闌
題好景裊游絲曾幾日又鳴隔樹雙鸚選時選勝撲蜨
會相宜忻見長紅小白假山側掩映丹梯聽別院清歌調
逸短笛聲低

丁香結

水西莊飲丁香花下寄杭大宗

晴雪連帷紫雲成蓋又是晚春時候正小苞含透似葉底

一一風鈴輕逗亂香吹不斷重階靜暖蜂去驟低徊無語
未許遜卻封書豆蔻回首望十二銅街幾處濃煙遮柳
刻燭吟曹藏鉤酒伴夢魂依舊松吹堂畔倩影也想紅如
繡問花邊雋句肯向雙魚寄否

風入松

題朱崙仲秋林讀書圖冊子爲凌獻珍孝廉賦卽
送其還烏程

誰從柱下問遺書枯盡舊蟬魚多君一卷常相共正千林
桐葉聲疎江泌屋畱殘月管寧榻有雙趺花飛沾水暫
停車暑雨漫平蕪如何未到秋風起便忿忿唱了驪駒西
塞山前水滿他年應訪幽居

醉花陰

夏夜玉筍亭消暑

斜月如梭穿短牖脈脈黃昏後幾點夜螢流砌外花閒漫
試麻姑酒 小亭寂靜微風走竹似瑤笙奏高臥正迎涼
銀漢低橫露又沾衣透

前調

閏六月十六夜同西顥江臯循初文錫登月明撼
笛臺對月小飲分賦得到字

又上高臺娛遠眺欄外輕煙渺月影十分圓持比前宵未
必輸多少 呼羣共向樽壺倒樹杪聞長嘯漫道已涼天
梧葉聲低卻是秋初到

木蘭花慢

寄曹古謙孝廉

又秋風漸起數簾外冷螢多憶武水名家金臺小佳才繼
東阿相過鳳城奧處向花閒同賦合聲歌蝶翅時巡鄰院
鶯簧偏傍行窩如何涼氣襲高荷去日似飛梭問堆雲
橋畔別來添了幾許清波星娥度期近也想新詩織徧錦
團窠莫惜臨池寫就小窗惠我摩挲

秋藥香

七月三日荆帆招同紫仙犀若西顥江臯循初飲
疊石山房分詠秋卉得鳳仙花

揉皺春機紅縠數朵如球相簇南朝舊事無新曲好女兒
歌誰續悄聽細杵鳴深竹輕羅束曉來素甲丹砂熟點
破纖纖莢玉

情久長

七夕招崙仲西顥江臯循初文錫飲清機小庵分
賦七夕故實得網蛛盒

銀河影淡蠭蛸暗上青藤架憶昔日李唐肥婢潛倚雕榭
呼燈招伴侶褻小盒同步蕉邊竹下漸尋得元珠一粒素
縷千圍都覆與香羅帕聽盡更殘露冷清如瀉對落月
錦籤封了繡帷藏罷曉來競揭數夜網稀密參差匹亞定
應道今年巧思百倍前年花檻外深深謝

菩薩蠻

曉發邦軍馬上望盤山

薊門古道秋聲細曉煙空處林泉霽山色澹還青層層如
畫屏幾人吟馬上竝轡齊相望十里近田盤高峯接小
巒

浪淘沙

歷青溝拙菴釋子塔院

孤塔亂峯閒一院松寒幾層壇宇繞欄干草沒煙荒階砌
冷落色斑斑遺像宛生顏誰扣重關死今埋骨在青山
應笑身前人世小來去無端

念奴嬌

八月十五夜同西顥循初文錫登天成寺後崖翠
屏峯下對月豪飲

谷空天霽正平分秋色冰輪初滿試看盤阿蕭寺外入夜
嵐光青淺停漢無聲明星稀影涼露迢迢泫憑高長嘯萬
籟虛含孤遠翠屏峯下逍遙瓊崖玉界風過聞清楚列
坐題襟樽盡倒此會嫦娥應羨葉響蟲鳴酒闌歌罷是夜初

對月高歌東坡明月幾撫景情難遣人生如寄勝游今古
時有水調歌頭詞一闕
時換

南歌子

天香妙祥寺前有一池蓄金魚甚富中雜蒲藕菱
菱之屬上有叢竹蔭以疎柳旁一方井冬日魚畏
寒則納之井中池無名因題其上曰種魚池

寺外喬林密池邊落葉深我來曳杖坐孤岑手把一枝衰
柳倚秋陰蒲藕依崖敗菱菱貼水沈游魚出沒色如金
無限臨流觀覽滌塵心

千秋歲

月夜坐永壽菴雙柏下

月華滿地柏影浮苔砌秋氣靜風聲細遠山含澹碧古木

金華集卷之二
搖空翠僧院冷一庭虛白涼如水露坐還移榻閒話多
幽意燈暈暗茶煙起寒蟬吟石罅清磬鳴欄底塵慮淨夜
深未就禪窗睡

前調

登五華寺棲雲閣

山深閣小古寺游蹤少循檻上提壺到窗前雲氣接鳥下
嵐光繞憑眺遠秋空天際過飛鳥汗漫忻同調得句多
高妙青嶂晚西風早雁聲來谷外人語回林杪延佇久關
干亞字明殘照

婆羅門引

出潭柘山過平園望山中紅葉遙聽岫雲寺梵聲
佳山兩日耳根時聽響泉聲悠悠百慮俱清今夕驅車別

去嵐氣拂衣生正秋風漸起巖草蟲鳴
支筇緩行過曲徑與寒汀滿目平園雜樹霜染頰明岫雲已遠聽梵音遙
送亂峯青閒悵望欲去還停

離亭燕

約青崖釋子重歷退谷亭

前日谷中小聚黃葉亂飛如雨今日重經落蘚徑繞逕秋
花乍吐杳杳讀書聲悵望退翁何處亭下流泉環路欄
接碧巒疎樹曳杖老僧空佇立伴我山閒尋句石上白雲
生唧唧寒蛩時訴

踏莎行

戲簡申及甫徵君

索句簾陰分箋鏡畔連宵刻燭更聲緩縱然捷過魏東阿

也應忙煞生花管 霧擁藍橋雲深闥苑武陵原與紅塵
斷等閒卻少外人知故教流出桃花片

蘇幕遮

題朱崙仲七松圖爲黃思順賦

翠如縈煙似織老榦參差繞屋成行列談柄一枝高可折
傳與張譏演作長生說 暮雲深遙夢隔何日山中果結
幽人宅滿徑笙簧吹未徹野鶴歸來踏碎梢頭月

鷓鴣天

謝趙功千徵君惠茶菊

翦得城頭一夜霜茶菊生武林城頭上封題遠寄海西鄉未教白雨
當階沸已覺秋英繞指香 窗半啓日初長敲鑪洗白試
孤芳何時共汲南陽水與子同烹北苑綱

唐多令

節婦詞爲東光蔣氏作

壬戌

劃斷七絲琴遙遙孤夢沈駐丹砂歲月侵尋莫道貞松難
得老是半死古桐音四十八年心湘江水共深柏舟篇
幾度悲吟愁對零陵雙燕子頭白處絮紅襟

琴調相思引

寄懷田同之助教

木落方山雪意晴離情遙共月痕生停雲無畔寒雁一聲
清想見亂書堆裏坐小梅香冷夜窗燈支頤吟罷空向
玉屏聽

鬲溪梅令

張曾山上舍工山水名家也偏嗜余畫梅頻索未

應歲事已闌勉圖長幅以報

倚松夾竹又穿籬
傷茅茨一種真香真色澹情思
月橫冰玉姿
漫云今古竟無詩
看疎枝縱使丹青難寫未輕譏

周草窗詠梅詞有丹青難寫今古無詩之句

我生成畫癡

臨江仙

送孫文水孝廉歸錢塘

欲別魂消思悄悄
驪歌再唱無聲直
沽雲冷暮煙生
故人隨遠雁
明月照空亭
記取孫郎歸去路
蘆花白徧沙汀
夕陽江上布帆輕
半篙秋水碧兩岸舊山青

風入松

重陽前三日風雪大作因點竄潘邠老詩作首句
成詞

滿城風雪近重陽此景劇難忘憑欄休問秋多少看空庭
已似寒江閣上題糕手冷檐閒碎玉聲長登高還道露
爲霜搔首漫持觴黃花瘦損苔痕凍暗雲飛遮卻晴光哀
雁天邊斷續亂蛩吟處淒涼

菩薩蠻

寒夜對月懷心穀大兄在都下

甲子

簾前浮白移荒菊嚴霜夜色空茅屋寂靜淡煙橫懷人在
玉京迢迢楓畔路凍水明漁渡寄語碧雲邊游蹤何自
偏

水龍吟

題張曾山柴背結茅圖軸子爲岱瞻釋子賦

翠毫幾點煙痕崎嶇寫出安禪宇因松架屋因泉開澗因

崖成圃素鴿晨棲青猿夜繞蒼鳩晝語笑山雲隱見山花
婀娜都團作曼陀雨 夢想前游如昨溯秋聲短筇芒屨
草閒聽梵林閒攜榼石閒題句泉到簷飛月當峯挂劍隨
臺舞待重挑野菜尋師住處翦香茅煮

鬲溪梅令

殘歲雪中登午晴樓江臯攜紙過訪索余畫梅因
畱小飲醉後灑墨應之

小樓短笛倚風吹破愁時片片天涯飛雪緊催詩且傾酒
一卮 吮毫呵墨寫南枝費人思恍覺窗前疎影澹相宜
逸情梅亦知

行香子

元夕高季治過苔花館小飲

乙丑

天際雲停戶外風清徧街衢火樹縱橫誰家吹笛何處調
箏喜客方來鐙漸上雪初晴小院春生棲鳥時鳴愛吾
廬寂靜窗櫺半牀書影幾陣鴻聲對酒盈樽梅盈屋月盈
庭

念奴嬌

得汪西顥徵君聞中書訊余近狀漫荅

無言空谷妒雙飛新燕銜泥輕蹴南國相思紅豆遠建水
千重如玉硯雨淋漓詩筒絡繹著作應連屋平安遙寄荔
枝猶未曾熟還訊近事如何淒清長簞已作鰥魚獨修
禊光陰傷轉盼又見月輪眉曲楚些多情秦釵易怨淚斷
魂誰續故人知我素書郵去難讀

夜合花

詠夜合

密葉晨交柔枝晚結樹猶如此多情蒙茸細藥絲絲垂到
檐楹初日淡遠風輕逗濃陰碎影縱橫東牆曾種南鄰曾
見渾似影纓青棠竟負嘉名空憶螺杯送後角枕縫成
乘涼暑簟微香吹度簾旌殘夢杳暗愁生歎單棲怕對花
明小株吟罷傷心元九鉛淚同傾

茶瓶兒

早秋雨後招潘廷簡陳江臯萬循初過苔花館烹
天泉試顧渚茶循初以茶瓶兒一詞見示次韻荅
之

高接天泉新過雨修廊下磁瓶深貯煙霽花光午古鏘苔
砌拾取松毛煮招我吟儔烹顧渚羅几案甌三杯五斝

枕哦佳句趁涼秋
早好作煎茶譜

蜨戀花

七夕前一日風雨有感

已透秋聲炎漸去
雨雨風風離合愁如許
明日雙星銀浦
渡人間有恨憑誰訴
往事奚堪還記數
遺挂空畱乞巧
人何處半晌簷流喧
到暮夜深夢入西園路

鵲橋仙

七夕集來蜨亭看新月分賦

秋聲一會

歸霞初散纖雲微障
又送玉鉤斜上
高梧葉落見銀河
牛女畔一痕無恙
紋窗橫啓湘簾低敞
淡影昏黃搖蕩
焚香扶拜憶年時
歎今夜清輝誰望

憶舊游

中元夜集數帆臺觀荷燈分賦

秋聲二會

正池荷未謝岸蓼初垂一片秋紅暮色開香界任綠波細
火點點浮空緯蕭訝逢龍睡珠彩出鮫宮看欲去還停將
沈忽燄縹緲乘風迷濛夜臺路儘付與荒臺斷鼓零鐘
倦柳飄涼露便都成清淚難徧蘆叢滿船載歸明月流水
亦西東想翦燭疎簾挑鐙小院如夢中

減字木蘭花

處暑日集南溪分詠秋蟲得蟬

秋聲三會

嘶風飲露闌暑難消池上樹靜極偏譁要引詩人泛若耶
孟家新橈鬢影閨中曾一仿深院絃清莫怪琴聲有殺
聲

前調

雨夜有感

愁雲闇淡永夜重門和夢掩落盡簷花來日苔痕一逕斜
殘燈滋味不是當年羅帳意雞唱聲聲誤道天明又未
明

驀山溪

竹醉日集讀畫廊分題明人畫扇得丁南羽寄蘿

菴讀易圖

秋聲四會

山光雲影映徹溪廊碧雜樹晚多陰正深夏蒼嵐如滴潺
湲幽瀑響作玉琴聲齋磬杳佛香殘精舍藏蘿薜龍眠
筆意秀態含林石一卷置牀頭問此地何人讀易韋編未
絕清露好研朱車轆轤馬踐踐不應敲門客

念奴嬌

中秋夜登月明樓笛臺對月分賦

秋聲五會

憑虛登眺笑天邊。秋候今宵剛半。桂樹連蜷香乍動。黃雪隨風飛散。屋下殘鐙。城頭哀角。一片黃雲斷。塵埃難到此身。將近河漢。千里海嶠。生波銀蟾孤送。隱約垂楊亂。鸞背霓裳猶舊曲。欲架繩橋無畔。別浦霜凝。空村玉碎。水浸梧桐院。笛聲寥亮。莫辭修夜。頻看。

一萼紅

秋社日放舟城南至八臘祠晚登海光寺樓分賦

六秋聲會

繞城邊有回溪曲港清淺可通船依岸支罾因崖架屋白
葦紅稻相沿笑犂确輕篙無力看環腰更藉一繩牽茅店
叢祠板橋流水隨意畱連試問今朝何日卻鴻來燕去

目送長天隔浦漁舫綠林牛叱遙壠旋起秋煙轉歸棹重
尋紺宇共登樓人醉夕陽前無限憑關往事俯仰悽然

醉蓬萊

重九日集南樓登高分賦

秋聲七會

卷浮雲萬里一片清秋晴煙疎樹小級丹梯試登高徐步
鵲噪關干雁回浦澈聽砧聲遲暮戲馬臺前洪都城下不
殊今古卻喜年年北堂強健綠酒傳觴共歡初度周覽
家園對南山稱嘏紫菊盈籬茱萸滿砌也閒居堪賦況少
催租更多良友竟無風雨

行香子

秋夜不寐

涼思侵幃落葉颼颼更寒蛩滿壁啾啾殘燈掩映自下簾

鉤正一函書一樽酒一窗秋
好月光浮好夢今休又何
心默數更籌空房寂寂孤枕悠悠聽角聲悲風聲怨雁聲
愁

祝英臺近

展重九集味古廬分賦菊花故實得菊枕

秋聲八會

曉風多宵月淡香繞一籬晚翠籠攜來縫入枕囊滿任教
落盡飛英霜痕常在便金帶玉鏤難換
夢魂遠定應獨
倚空牀愁聽雁聲亂欲折雙頭長簾更誰伴且同蘆絮裊
衾梅花作帳拚連夜孤眠不暖

倦尋芳

花朝水西莊感賦

嫩晴烘雨驟暖欺寒春思無定水長潮生微轉灌池深井

花事逡巡催爛漫看花人共胭脂冷向荒邱悵芊緜草合
百呼難醒 歎彈指嫣桃醉頰柔柳舒腰苔澀蘭徑燕子
初來紅縷一絲愁省別院空喧絃管部隔牆休送秋千影
遣悲懷且徘徊暮隄煙暝

醉春風

寒食卽事

才見楊花舞旋看榆莢吐鞦韆架上待人來數數數此日
禁煙隔溪沽酒杏花村路 雨打棠梨處風颺游絲住最
憐陌外蝶紛飛誤誤誤挑菜人稀賣餠聲度亂啼鶯樹
倒犯

詠秦吉了

宛轉聽聲聲畫闌和歌金縷新晴院宇頻調試慧過鸚母

雄音亮節不比喁喁癡兒女拂尾紺衣長分頂黃冠古絳
脣濃漆瞳嫵遼渺珠江憶別來時佛桑紅楚楚萬里隔
煙水夢難到羅浮路最妒煞桐花侶鳳初生花裏常相聚
念放我還山此意誰能許曲廊還自語

柳梢青

聞鶯

戊辰

風颺簾旌疏窗未啓曉夢初驚玉管輕調銀笙低按何處
鶯聲似將巧語丁寧道春雨朝來乍晴紅樹香濃綠楊
煙靄春事關情

銅鼓書堂遺藁卷二十六終

男淳孫

樞校刊

銅鼓書堂遺藁卷二十七

宛平 查禮 恂叔

南鄉子

灞橋 丁亥

鞭影逼霜搖沙驛山城古道遙長望斜陽雲外冷魂銷雁
字橫空萬木凋童背負詩瓢茅店青帘任意招漫說天
涯風雪少今朝我亦騎驢過灞橋

蝶戀花

瀘沽峽 戊子

壁立兩山垂老樹怪石巉巖苔蘚層層護峽裏雲嵐時斂
住水聲瀟瀟喧朝暮穴磴凌空泉遶路繫馬登臨饒有
畱人處春外斜陽迴遠戍夜來月上猿哀訴

點絳脣

自題畫梅

小几春明興來吮筆行疎梗畫閒人靜默聽禽聲冷
遲日回窗香透簾櫳永清幽境午夢初醒一榻梅花影

洞仙歌

登蛙嶺山爲張建陽道士題孤雲閣

竹叢林茂有清涼佳處曳杖尋來日亭午檻窗開一片水

色澄空帆影裏大小漁村煙浦

山下卽池有大小二漁村

閣邊鑪火

活几榻幽閒時見嵐光繞庭戶靜聽鶴鳴聲天淨風冷孤

夢醒雲含山古羨羽客蒼顏笑翩翩更向說繁華世上聾

聾

小重山

宿豹子溝銅廠官舍

峭壁層巒天半生懸深溝自險勢崢嶸緣崖支板架爲棚
廠上鑪房皆沿山架板爲屋霜風冷鑪火照人明
山銅礦多遙看旋蟻路走沙丁凌空亂石響砵砰山腰畔
在其上時聽倒荒聲
礦中無銅之石名曰荒自洞口傾之謂之倒荒

一叢花

郡屏粉團春又作花

己丑

年前此際對芳叢灑酒醉嬌紅輕雲澹日簾櫳外萼華動
搖曳庭中霞臉霧鬟柔姿無力端爲嫁東風
今春不料
尙相逢離緒已怱怱
時已奉命授禮川北兵備道因滇南緬甸軍務未竣羈留寧遠尚未赴任
當茲細雨霏霏裏覺鮮豔粉色朦朧仙骨素肌檀心翠
葉好處見天工

沁園春

春盡日風雨憶鄉園

雙鬢蕭蕭官久蠻方繫住此身感滇南地近京華道遠羈
懷多恨夷俗堪嘖僂僂東風憎嫌夜雨無故顛狂斷送春
層階上看落花飛絮頃刻成塵懷人別思難申聽鳥語
閒關一黯神向碧天空裏特攄離緒亂雲深處遙憶前因
何日騎驢故山歸去孝義鄉中作去聲老民重尋樂好讀書
柳腳理釣溪濬

念奴嬌

春暮江聲閣書懷

庚寅

花飛蜨舞正風顛吹滿一天春晚領略山光邊塞迴感歎
年華頻換雪冷峯高江深橋軟落照青羌遠迎眸芳草嘯

歌更展清怨 蹤跡已近松州荒涼景地喜樽前人健鶯
喚枝頭成好夢往事牽腸難斷投老心情薄遊滋味倦倚
吟魂亂黃昏扶醉曲屏燈影寒淺

沁園春

春夜塞外聽雨不寐懷京華諸友人

癸巳

多感羈人久住遐荒歷盡險平歎茫茫老境星星華髮榮
枯得失往蹟難評萬斛春愁一川夜雨短榻孤燈夢不成
年前事恨是非莫辯誰判分明 怊怊何日休兵看塞外
干戈正縱橫想故鄉花信故人游興詩筒歌板酒盞茶鐺
孤負良宵睽違良友幾度城南少聽鶯吾深悔悔東山復
出長作西征

摸魚兒

哭趙損之農部有序

趙損之博學多能工詩賦文詞隨將軍至蜀討金川土司
勦軍務癸巳六月十日我兵潰於木果木將軍陣亡損之
亦遇害損之名文哲號璞函江蘇上海人由內閣中書授
戶部河南司主事

望羌原一天淒雨亂山堆裏雲滿蒼茫俯仰悲今古往事
休談長短殘角晚看幾處連營故壘旌旗捲征塵易散歎
才比江郎詩推杜老難覓舊時伴愁無盡空搥英雄淚
眼狂歌當酒情嬾蠻牋痛寫傷心句迴憶昔游腸斷還想
見沙磧冷荒煙白骨千秋怨忠魂不展正塞上笳鳴峯閒
猿泣戎馬感人遠

西江月

荅劉紹衣秀才詢余援兵救破礪糧站事

白髮書生破敵繡衣觀察提兵因君問訊說分明還憶前期險境已向草閒殺賊更從礪上擒生一時振旅有威聲猶恨援軍不猛

憶舊游

荅陸赤南

有序

余奉檄駐守臥龍關籌運糈餉赤南以哨徧一詞遙寄塞上爰填憶舊游一闕聊述思慕之忱赤南倘不以枕戈臥雪鄙夫之緒語棄擲之則厚幸耳

憶華陽寓館坐上佳賓每動離情貺我新詞好向秋宵展誦音調淒清夢魂幾欲飛去無計可登程恨跡寄邊關何時對酒共續鷗盟神驚昔遊處正夜月悲涼鬼哭連營

歲歲干戈裏，歎馬瘡人倦。心厭言兵，錦城縹緲。東望煙際，亂山橫，但默默相思，天涯競響黃葉聲。

摸魚兒

寄北路軍幕祥仲調水部

歎連年遠，依戎帳，暗凋霜外。顏鬢天涯彈淚懷，今雨幾處。夢魂無定，沙塞迴看一片烽煙戰壘。何時靖干戈，縱橫想水部題襟，參軍草奏，獨有攬邊興。悲笳咽，兩地離情正永。黃雲殘照，千嶺吳鉤，光透貂裘紫。雄志壯游，誰竝風雪冷。那更堪騷人別去，吟聲靜。北路仲調同幕裕敦甫農部昨赴南路軍幕色暝對一穗寒燈，半牀枯月。二語用仲調所極佳寂寞嘅犀柄。

一夢紅

歲暮過汶川重遊胡氏園林

繞江城正風尖雲冷天淡雪初晴屋後柴門水邊煙墅疎
林籬落分明短欄外蔬青山小又翠藤交處亂禽鳴石舊
苔荒池枯蕙碧三徑淒清 回顧早梅已放看侵人香暗
倚竹枝橫問俗監司種花野老殷殷閒話多情記昔日尋
秋曾到羨今朝殘歲覓鷗盟更約春吹柳綠來聽啼鶯

透碧霄

闌色利溝運道

甲午

倚天風破雲穿壑關蠶叢亂山競上奔流爭落路斷難通
置身險處焚燒竹木疏鑿巒峯莽蒼閒陰翳騰空聽懸崖
猩鬼悲嗥哀叫畏我追蹤 用金錢不惜驅攜千竈鳩動
萬夫工創古今無人跡觀此日起鴻濛雪橋危度水厓艱
涉勞也心雄爲何來多爲兵戎喜循溝輓運殊近他途易

奏膚公乾隆三十八年冬十一月定西將軍阿桂既收復

山之進勦將軍方籌改運道或由卓克采之夢筆山或由校

美之軍營馬山下問於禮時禮駐臥龍關督運糧餉檄調詣

旅既擬改進谷噶軍糧自應由色利溝輓運惟是色利溝

路徑自奏禮關之擇於三十九年正月乙丑舉工禮率員鳴

卽裹糲糶攜斫錘深入叢林密箐堅冰積雪中焚林裂石

夫險涉艱過日爾拉山山巔風雪益厲幸崩劣之徑較短

山勢不峻併力修鑿未敢少暇戊寅乃竣計十四晝夜通

路二百餘里用夫力一萬八千工食米六百斛動帑錢四

百六十八萬爰賦

小詞記其顛末

摸魚兒

成都城南武侯祠別院有荷花一池舊為張子還

道人所種池上建板屋數椽形同半舫匾曰圓通

境道人跨鶴仙去有年矣池蓮歲歲作花甲午六

月二十二日余偕華陽觀察過其地時池花盛麗

徘徊檻榭坐臥於紅香中清風徐至六月無暑斯
遊頗樂余以題額乃道家通套語不切藕花境界
華陽爲易藕船二字絕佳道童徐虛廬攜紙墨乞
書華陽援筆易之書法適勁傳之異日實爲此閒
之墨寶亦可見我兩人之逸趣也爰賦此以紀其
事

羨城南武侯祠畔一池澄水環遶仙卿種藕畱遺蹟半舫
疎窗深窈簾幙表看幾縷紅雲冉冉流煙沼花擎榭小恨
野鶴孤飛吟儔今集帶舊愁多少題名額惜與陂塘境
渺甘涼觀察興好重書縹芰如船字墨瀋映波飄緲鷗夢
杳欣異日簷前座上香光寶斜陽暮草正枕簟邀涼暑消
淺渚滿目翠痕繞

江城子

七月十九日偕王聽予大令登松州七層樓遠眺
七層樓上貯天風倚欄東接晴空老樹浮陰身在畫圖中
幾度登臨還覓句看不盡塞雲重隔江蒼碧晚煙籠好
山容夕陽紅萬竈人家秋水界城通古寺懸崖僧奏課泉
響處數聲鐘

桃源憶故人

松州秋日寄赤南

雲深不識前來路小別愁生何故譜就悲涼新句誤了無
人顧松窗又響申時雨日來每申刻必有風雨旋晴一霎風迴煙汨
此際關山離緒只共秋蟲訴

齊天樂

小駐松州廳廨西軒賦寄日側軍營王琴德銓部
明守庭侍衛

憑高眺遠嵐光淨

松州廳廨居大江西山之巔

天北幾多蠻部半閃軍

旗長嘶塞馬又過空城風雨松窗卓午正山葉初涼砌花

猶吐

時鶯栗花未殘

把酒當歌爲誰醉倒論

去聲今古

江流浩瀚

不斷雜秋聲共響遙入雲樹舊寺尋僧層樓對月都是昔

曾經處人來瘠土歎白髮蕭蕭頓生離緒漫說邊情運籌

還用武

時將領兵出關赴果羅克

武陵春

八月四日余自松州之果羅克聞逢書農水部胡
行偕中翰徐壽石大令依劉德引制軍由南路仍
回楸坻督運軍糧離懷根觸不已臨行據鞍集工

部詩填詞以寄

愁極本憑詩遣興

後至塞雁一行鳴

晉公安送李二十九弟

傍關山幾處明

吹笛羣盜尚縱橫

悲秋縱酒欲謀良夜醉

堅坐看君傾

季秋蘇五弟

擬絕天驕拔漢旌將諸那得易爲

情

泛江送客

八聲甘州

秋日行松州塞外蕃部境

看茫茫草色縱平原一片起邊愁正荒煙慘淡寒風淒緊
遠樹含秋杳杳天空鷗沒西北近甘州幾騎長征去霜冷
吳鉤不識蓬婆何在望黃雲無際蕃部遐陬歎頻年塞
外戎馬久淹留聽羌兒數聲蘆管感壯游萬里夕陽收休
念我星星雙鬢身世浮鷗

氏州第一

歷鵲箇土境山圍水曲沙渚明淨驚雁翔息荻蘆
叢生加以原馬驃驤澤魚肥美渴羌川路閒豈意
有此景物也卽目因賦

波曲岡環秋外乍午遙看一縷征雁隔渚清笳穿林畫角
天末邊聲歷亂煙景迷離卻宛似江南無辨上下鷗鳬橫
斜浦澈客程偷換不斷千羣原馬健鵲箇素產名馬共嘶驟淺
沙高岸葦葉風吹蘋花水落把釣人歸喚對殘暉延佇久
西羌境攜尊莫倦入夢瓊廬月華明長吟夜半

飛雪滿羣山

郎駙士司曼陀寺經樓秋夜

雁叫霜天狐嘯冰窟朔風吹雪侵樓空桐山老金城都遠

金東隱先生集卷二十一
者邊又送殘秋萬峯層疊處試遙望寒雲亂浮玉簫聲斷
鄉關信絕誰識此時愁還向晚凭欄吟眺久對佛前燈
火細意添油寶旛飄影芸鑪生暈冷光夜分頻收客懷岑
寂處數蹤跡空嗟逗邇月枯僧定窗高夢醒憐白頭

傾杯樂

寒夜飲赤南論宋人詞旨

月彩浮檐霜華染屋夜光寒峭正烏几牛腰大軸畫圖堆
捲古芸香繞今宵攢聚鴻泥爪細傾濁酒且向詞源沂討
冷芳暗透檻外黃梅開早窗半掩燈垂藥小說兩宋遺
編音絕妙羨譜中減字偷聲都入宮商絃調且莫笑天涯
客老還相憶美人香草喜緒語蓮漏凍金樽共倒

南鄉子

正月二十三日曹素爲儀部沈萊友太守招同顧
華陽杜寶樹兩觀察李松期太守楊閔度大牧陸
赤南山人淳兒飲草堂寺賞紅梅拈韻賦詩萊友
以素冊索畫寺梅勉應之並題詞其上乙未
天外叫飛鴻竹影差差水影空畢竟草堂蕭寺好庭中一
樹殘陽照冷紅春氣逗芳叢香霧濛濛濕半籠我畫梅
花鬚鬢白成翁點染胭脂色未工

探芳信

二月七日寓館升菴櫻桃十餘枝盡花招吳沖之
學使顧華陽觀察陸赤山人飲花下分調同賦
夢晴晝乍燕語呢喃東風倻倻恁狂吹花信朱顏對鄰園
花生籬外地爲龍
護國菴之圃瓊璫幾樹烘崖蜜小白霏吟裊羨林邊纈

影穿籬粉痕黏甃 邀客急呼酒念檐外春寬樽前人舊
徙倚芳叢不比塞垣柳歸來便有看花分澹月相攜手待
輕紅萬顆勻圓似豆

齊天樂

花朝前一日華陽再過升菴探花畱飲偕赤南分
賦得好字

午棋敲破尋春夢窗外杏花開了宿酒還醒新詞剛就又
報探芳人到幡然一笑正影墮香飄燕昏鶯曉短髮催簪
樽前休訴我年老 風吹花信第幾且歡場給取片時歌
嘯戎馬行蹤征衫塵土羸得倦游懷抱僧樓落照待醉也
應眠滿庭幽草月色溶溶其憐今夜好

前調

成都春感

乍寒乍暖春如許風颺困人天氣染綠湔黃移紅換紫白
綻梨花猶未鶯聲正麗喜院宇深深畫屏長閉竹外晴氛
有情時向曉窗遞花朝前已過了看迎階草色殘照新
霽箇箇游蜂雙雙舞蝶攪碎龜紗香細蒼苔滿地歎幾日
朱顏頓成顚顚坐聽啼鶻拍欄干十二

瑞鶴仙

二月二十五日招同人飲升菴梨花下分賦得幾
字

又斜陽影裏送花氣薰天吟邊眼底風日弄晴美認歸來
燕子掠香雙翅繁英亂藥攪嫩綠黏脂點翠聽悠颺一片
鶯簧一片隔牆歌吹

是日置樂於
牆外僧寺中

徙倚苔沈徑雨草暗

籬雲舊家庭砌溶溶對此無月夜淨如洗看輕盈白雪豔
侵短髮蝶夢尋芳萬里數歡場共倒清樽醉春第幾

芳草渡

暮春過大渡河

蠻林綠微花紅山風暖水雲空蓬婆邊嶺霧濛濛船欲放
芳草岸一開篷 曉光好波影渺大渡河聲浩浩晴煙靄
濕煙籠禽音小人語悄詠舟中

漁家傲

夏晚柳坪納涼

長夏蠻陬天更暑柳坪陰密籠千樹午後重雲初過雨攜
茶煮小詞席地吟涼譜 出網鮮鱗呼近渡入林殘照山
光暮斷續羌蟬鳴不住沈戍鼓聲聲道是離懷處

前調

茹寨晚眺

萬壑蒼蒼雲冉冉斜陽紅處江光閃拉沓山中秋暑減多
新感蒼茫獨立橫長劒暝色搖空天影湛塵清煙外千
峯澹也有流螢三四點時明暗柳陰燈火昏山店

八聲甘州

七月二十四日過富察雲麓公沙爾尼水次新營
報柳陰深處結新營遙聽箭翎鳴向長林繫馬荒灣艤棹
岸架松棚下有翩翩儒將午坐細談兵地靜聞長嘯鸞鳳
音清 我亦尋蹤到此望斜陽影裏飄灑旗旌正臨流徙
倚翠濕一襟橫漸空濛水平雲斷好風來吹壯暮笳聲凭
欄久說詩評劒誰識閒情

賀新郎

王琴德吏部於勒烏圍軍營以詞見柬次韻荅之
戎馬三年許歎後先沙場聚首命輕於羽猶記京華簪盍
日琴酒相於結侶誰意著來聽鸚鵡促浸地多鸚鵡畫角吹殘詞
老夢動清吟慷慨悲風雨腸斷處那堪賦近借葑圃羅
仲調別號常停住倚新聲紛傳舊恨韻如簫語一渡盈盈秋水
隔準擬共君按譜還應慕陽春漚紵旋唱饒歌軍凱奏數
歸期好擊催花鼓傾大斗慰離緒

玉蝴蝶

徼外秋感

望斷徼荒千頃亂山叢樹高被雲遮此日蕭條更訝秋色
頻加雨淒淒笳橋汀柳風颯颯茹寨促浸地名籬花感天涯征

人萬里久住忘家 誰誇蓬婆嶺外披裘舞劍岸幘看霞
屢變星霜幾回吟送夕陽斜聽軍聲壯懷興歎對月影老
景堪嗟手還叉蒼涼滿目夜咽悲笳

瑞鷓鴣

徼外歸來於升菴前種梅花一株日尚未花賦小
詞催之

檻外搖清霜華壓枝枝瘦綠斜橫培根土軟且喜苔青一
樹疎疎蓓蕾含醉露微醒閒佇立殘陽冷處欲語無情
塵淨倚天晴有翠羽雙棲小弄幽聲人坐靜芳信潛透冷
泠獨寄孤標韻致空與竹梢爭凝望眼花西月到幾日香
生

東風第一枝

十二月六日顧華陽觀察招同沈萊友太守陸赤
南山人飲攜鶴草堂看綠萼梅分調同賦

小院風尖空階蘚冷屏搖梅萼零翠數枝對客橫斜此際
爲誰徙倚春光未到卻放出色如春水正歲寒冰薄沙明
看滴綠珠清淚已幸得夜長景美尤喜是酒闌人醉半
規碧月新懸一陣暗香近遞年華易過歎散髮歡場能幾
且按拍翦燭分牋拚取一宵忘寐

柳梢青

除夕前二日升菴櫻桃作花同赤南酹酒分韻得
宵字

春透苔嬌雨滋草碧歲暮林臯又見菴前幾番晴日開了
櫻桃叢叢紅粉輕搖竹籬外幽禽亂嘈且飲屠蘇坐花

深處消受今宵

定風波

花朝前一日雍中喇嘛寺見梨花因賦

丙申

刮耳崖邊石倚霞
雍中寺外水明沙
幾樹梨花開正白
佳夕禪門深掩誦楞伽
風日晴和稀雨打蠻野
鳩聲頻喚日初斜
戎馬旋歸無暇賞
孤往擔書到此且停車

瑤華慢

春晚刮耳崖登眺卽事

西戎卽敘氣候暄和有暮雲
春樹蠻碉羌砦平蕩後共道
此閒堪住一江綠水分破了
亂山無數見幾灣花木芬芳
柳外皮船呼渡隴頭薺麥青青
正蕃女蕃兒問課晴雨
戍煙銷淨喜處處爭戲歌妝
蠻舞我攜樽酒趁夕照影中

來去竟誰知刮耳崖邊也吹滿天風絮

一萼紅

今春余與華陽觀察同在徼外分理旋兵之役入
夏竣事近聞華陽已返成都余尚畱屯金川以詞
寄之

歲殘時憶呼朋赴約共醉看梅卮攜鶴堂幽畫松屏短畱
人深夜填詞自別後邊關風雪喜一夜千里送紅旗山邊
班攔

沃日山名

水廻大渡

金川河名

于役休悲

報道征車歸去幾

夢回江月目斷林暉古調誰彈新聲誰和愁來長嘯拈髭

惡情懷臨流自解好襟期書就寄君知計日定招沈

友萊陸

赤把酒題詩

梅花引

富察仲彥觀察以素筆索畫過牆梅因題

空虛榭空精舍澹澹寒光更空畫愛倪迂愛林逋倚松傍
竹自許性情孤一枝橫過牆頭去疎影離離迷薄霧共
黃昏各銷魂靜聽鄰語也道月無痕

銅鼓書堂遺彙卷二十七終

男淳孫
林樞校刊